

Broj: 01-45-1 - 091
Dana: 09. 06. 2025. godine

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE**
n/r gđa. Edita Kalajdžić, sekretar Vlade

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA**
n/r gosp. Muamer Zukić, delegat Doma naroda
n/r gđa. Aida Hadžić-Salkić, sekretar Doma naroda ✓

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno: 10-06-2025			
Org. jed.	Broj	Priloga	Vrijednost
05/2	- 02-	226	/25

PREDMET: Delegatska inicijativa gosp. Zukić Muamera, delegata Doma naroda Parlamenta Federacije, odgovor, dostavlja se;-

V E Z A: Akt Parlamenta Federacije Bosne i Hercegovine, broj: 05/2-02-226/25 od 25. 04. 2025. godine.

Poštovani,

Vašim aktom veze dostavljena je ovom Ministarstvu delegatska inicijativa koju je uputio gosp. Muamer Zukić, delegat Doma naroda Parlamenta Federacije.

Shodno navedenom, u prilogu Vam dostavljamo odgovor Policijske akademije Federalnog ministarstva unutrašnjih poslova, na upućenu delegatsku inicijativu.

S poštovanjem,

MINISTAR
dr. sc. Ramo Isak



Prilog: Kao u tekstu

AŠ/AŠ

FMUP-ODG

POLICIJSKA AKADEMIJA

Broj: 04-45-1-119/25
Datum: 29.05.2025. godine

Primljeno:	29.05.2025.
City:	
01	930

FEDERALNO MINISTARSTVO UNUTRAŠNJIH POSLOVA

n/r gdin. Ramo Isak, federalni ministar

PREDMET: Izjašnjenje na inicijativu, *dostavljamo*. –

VEZA: Akt Doma naroda Parlamenta Federacije BiH broj: 05/2-02-226/25 od 25.04.2025. godine

Poštovani,

Delegat u Domu naroda Parlamenta Federacije Bosne i Hercegovine gdin. Muamer Zukić, na 18. sjednici Doma naroda Parlamenta Federacije Bosne i Hercegovine, pokrenuo je inicijativu, a koja je aktom Doma naroda Parlamenta Federacije BiH broj: 05/2-02-226/25 od 25.04.2025. godine dostavljena Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova.

S tim u vezi, obavještavamo Vas kako se trenutno na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova na osnovnoj policijskoj obuci nalazi 477 kadeta i to 99 kadeta iz Uprave policije Ministarstva unutrašnjih poslova Srednjobosanskog kantona za početni čin „policajac“, 240 kadeta iz Uprave policije Ministarstva unutrašnjih poslova Kantona Sarajevo za početni čin „policajac“, 21 kadet iz Uprave policije Ministarstva unutrašnjih poslova Bosansko – podrinjskog kantona Goražde za početni čin „policajac“, 99 kadeta iz Uprave policije Ministarstva unutrašnjih poslova Zeničko – dobojskog kantona za početni čin „policajac“ i 18 kadeta iz Uprave policije Ministarstva unutrašnjih poslova Zeničko – dobojskog kantona za čin „mlađi inspektor“.

U toku tekuće godine, osnovnu policijsku obuku na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova, prema raspoloživim zahtjevima i informacijama, trebalo bi započeti 620 kadeta, a koji su kandidati za policijske službenike iz Federalne uprave policije, Uprave policije Ministarstva unutrašnjih poslova Hercegovačko – neretvanskog kantona, Uprave policije Ministarstva unutrašnjih poslova Tuzlanskog kantona, Uprave policije Ministarstva unutrašnjih poslova Unsko – sanskog kantona, Uprave policije Ministarstva unutrašnjih poslova Posavskog kantona i Sudske policije Federacije Bosne i Hercegovine, a iskazano je interesovanje i za osnovnom policijskom obukom 44 kadeta iz Policijske Brčko distrikta Bosne i Hercegovine. Posebno ističemo kako ni jedan od naprijed navedenih organa nije finalizirao javni konkurs za prijem policijskih službenika, odnosno da se javni konkursi nalaze u fazama ljekarskog pregleda ili postupka sigurnosnih provjera koje ovisno o stepenu tajnosti provodi Državna agencija za istrage i zaštitu (SIPA) ili Obavještajno – sigurnosna agencija (OSA) Bosne i Hercegovine na šta Policijska akademija u Federalnom ministarstvu unutrašnjih poslova – Federalnom ministarstvu unutarnjih poslova nema utjecaj. Iz naprijed navedenog proizilazi da trenutno nijedan policijski organ nije na čekanju za obuku kadeta na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova.

Informisani smo kako su, pored naprijed navedenih policijskih organa čiji je početak osnovne policijske obuke planiran u toku 2025. godine, uprave policije ministarstava unutrašnjih poslova u Federaciji Bosne i Hercegovine raspisale javne konkurse za prijem oko 600 novih policijskih službenika, a koji će po okončanju konkursne procedure biti upućeni na osnovnu policijsku obuku na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova.

Trenutni smještajni kapaciteti Policijske akademije u Federalnom ministarstvu unutrašnjih poslova – Federalnom ministarstvu unutarnjih poslova iznose 516 kreveta. Poređenja radi, na dan imenovanja Vlade Federacije Bosne i Hercegovine, odnosno od 28. aprila 2023. godine pa sve do 04. jula 2023. godine, na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova na teorijskom dijelu obuke nalazilo se svega 28 kadeta Sudske policije Federacije Bosne i Hercegovine dok će 30. juna 2025. godine broj kadeta koji se obučavaju iznositi 465 kadeta, a u oktobru 2025. godine broj kadeta koji se obučavaju na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova iznositi 516 kadeta s tendencijom dodatnog povećanja broja kadeta.

Dobrom organizacijom rada direktora Policijske akademije u Federalnom ministarstvu unutrašnjih poslova – Federalnom ministarstvu unutarnjih poslova i službenika u Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova uspjeli smo znatno povećati broj kreveta i to bez izgradnje novih objekata, odnosno pretvaranjem postojećih prostorija u smještajne kapacitete ove organizacione jedinice. Smatramo bitnim istaći kako se proširenje smještajnih kapaciteta nije negativno odrazilo na kvalitet provođenja osnovne policijske obuke jer smo planski i odgovorno paralelno provodili materijalno – tehničko opremanje, a kao primjer navodimo opremanje sale za borenje, sale za treniranje, fiskulturne sale, učionica za realizaciju nastave, uspostave street workout poligona i tako dalje.

Federalni ministar unutrašnjih poslova gđin. Ramo Isak, uz podršku Vlade Federacije Bosne i Hercegovine i Parlamenta Federacije Bosne i Hercegovine, osigurao je sredstva u budžetu Federalnog ministarstva unutrašnjih poslova – Federalnog ministarstva unutarnjih poslova za dodatno proširenje smještajnih kapaciteta na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova. U tom kontekstu ističemo kako je riječ o kompleksnom projektu koji će biti proveden u skladu sa Zakonom o javnim nabavkama Bosne i Hercegovine („Službeni glasnik Bosne i Hercegovine“, br. 39/2014, 59/2022 i 50/24).

Policijska akademija u Federalnom ministarstvu unutrašnjih poslova – Federalnom ministarstvu unutarnjih poslova u potpunosti pozdravlja inicijativu delegata u Domu naroda Parlamenta Federacije Bosne i Hercegovine gđin. Muamera Zukića za osiguranjem dodatnih sredstava za proširenje smještajnih kapaciteta Policijske akademije u Federalnom ministarstvu unutrašnjih poslova – Federalnom ministarstvu unutarnjih poslova posebno cijeneći činjenicu da se paralelno s povećanjem smještajnih kapaciteta mora raditi i na povećanju kapaciteta kuhinje tj. restorana u Službi za ishranu polaznika Akademije, održavanja objekata i motornih vozila u Federalnom ministarstvu unutrašnjih poslova – Federalnom ministarstvu unutarnjih poslova.

Naime, trenutni kapaciteti kuhinje tj. restorana na Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova iznose 130 mjesta, a samo dobrom organizacijom rada u Policijskoj akademiji u Federalnom ministarstvu unutrašnjih poslova – Federalnom ministarstvu unutarnjih poslova i Službi za ishranu polaznika Akademije, održavanja objekata i motornih vozila u Federalnom ministarstvu unutrašnjih poslova – Federalnom ministarstvu unutarnjih poslova uspijevamo uspostaviti sistem u kojem se na vrijeme poslužuju obroci (doručak, ručak i večera) za trenutnih 477 kadeta u restoranu čiji je kapacitet, kako smo i naveli, 130 sjedećih mjesta i

da u istom danu uspijevamo organizovati teorijski dio osnovne policijske obuke tj. nastavu, praktični dio osnovne policijske obuke tj. situacionu nastavu i slobodne sportske aktivnosti kadeta.

Ukazujemo i na činjenicu da je zbog povećanog broja kadeta koji su obučavaju na Policijskoj akademiji u Federalnom ministarstvu unutrašnjih poslova – Federalnom ministarstvu unutrašnjih poslova direktor Policijske akademije u Federalnom ministarstvu unutrašnjih poslova – Federalnom ministarstvu unutrašnjih poslova donio Plan o početku i rasporedu radnog vremena za državne službenike i namještenike koji su postavljeni, odnosno raspoređeni na radnim mjestima u Policijskoj akademiji u Federalnom ministarstvu unutrašnjih poslova – Federalnom ministarstvu unutrašnjih poslova broj: 04-INT od 17.04.2025. godine, a čemu je prethodila Odluka o davanju saglasnosti o početku i rasporedu radnog vremena u Federalnom ministarstvu unutrašnjih poslova – Federalnom ministarstvu unutrašnjih poslova („Službene novine Federacije BiH“, broj: 20/25). Naprijed navedenim planom određen je rad državnih službenika i namještenika u Policijskoj akademiji u Federalnom ministarstvu unutrašnjih poslova – Federalnom ministarstvu unutrašnjih poslova u tri smjene s obzirom na to da zbog evidentnog povećanja broja kadeta, a samim tim i vodova, nastavu ćemo morati izvoditi u dvije smjene kako ne bi došlo do gubitka kvalitete nastave dok je rad u trećoj, odnosno noćnoj smjeni nužan s obzirom na to da Policijska akademija u Federalnom ministarstvu unutrašnjih poslova – Federalnom ministarstvu unutrašnjih poslova funkcioniše po principu internata i vrši 24-satni nadzor nad kadetima osnovne policijske obuke.

Na kraju, posebno ističemo kako u svom radu imamo podršku federalnog ministra unutrašnjih poslova gđin. Rame Isaka koji je osigurao materijalno-tehnička sredstva neophodna za uspostavljanje savremenog sistema osnovne policijske obuke te sredstva za proširenje smještajnih kapaciteta ove osnovne organizacione jedinice, ali i Vlade Federacije Bosne i Hercegovine.

Zaključujemo sa činjenicom kako je do problema vezanog za masovnom potrebom policijskih službenika u Federaciji Bosne i Hercegovine došlo zbog toga što rukovodioci policijskih organa nisu na vrijeme raspisivali javne konkurse i popunjavali nedostajući broj policijskih službenika te da Policijska akademija u Federalnom ministarstvu unutrašnjih poslova – Federalnom ministarstvu unutrašnjih poslova, koja nema zakonska ovlaštenja da se miješa u kadrovska planiranja u policijskim organima, ne snosi odgovornost za novonastalu situaciju, ali se maksimalno trudi biti dio rješenja za problem koji nije uzrokovala.

DIREKTOR
POLICIJSKE AKADEMIJE
POMOĆNIK MINISTRA

Ervin Mušinić, mr.pol.

